

**SJTUDEERBOLWERREK VILT**  
LIÈWERIKSJTRAOT VIEF  
VILT



Tillefoon: 17 fibberwarie neet te bereike

VILT, FIBBERWARIE 2012.

## ALAAF, ALAAF, ALAAF!!!



Vriedigmiddig 17 fibberwarie viere weer oos sjoalcarnaval.

Umtot d'n tied tössje de middig erreg kort is, gaon veer al um hauf twellef nao heim um oos fetsoenlik te kinne verkleije en sjminke. Um ein oor trèkke veer dan same met prins Lars II en prinses Femke met häör hofdames vanaaf 't sjoalplein bie de ingaank aan de Lièweriksijtraot in optoch achter oos eige zaate herriemenie aan nao gemeinsjapshoes Cascade.

KINGER DIE 'NE OPTOGWAGE WILLE MÈT NUMME MAOGE DAT!!!!

Dao goont veer dan tot drie oor sjpringe, zinge, rope, brölle, hosse, klosse, rosse, danse, kieke, chips aete, limmenaad drinke, verkleit zeen, tröte, toete, tròmmele, op de huukskes, achterein loupe, mèt de hennekes de loch in, sjoenkele, gek doen, gein minuut röste, plezeer make, nao de meziek loestere, dansmeriekes bewoondere, polonaise loupe, confetti goaje, in de heng kletsje, met de veut sjtampe en 'n medalje krieger.

Kort gezag: 'ne middig um noats miè te vergaetet!!!

De **kleutersj** (van groep ein en twiè) en groep 3 kòmme dizze middig natuurlik auch verkleid nao sjoal, want die kinne veer bie oos fiès neet missel!!!



Bie 't fiès maoge, behalve auwersj van 't prinselik paar en vanoet de wèrrikgroep carnaval, besjlis gein ander auwersj aanwezig zeen!

Behalve es 't tiem oetzunderinge maak!!!

**Gevierlike dinger** zoa es piestole of zjwaarde of 'ne driegtand maog nemes bie zich höbbe!!! Hièl vööl kleutersj zint bang veur hièl sjoew maskers. Die mòt ger dus auch mer heim laote. Auch sjpuitbösse mèt allerlei troep drin maog geer neet bie euch höbbe.

**Nao driej oor kinne alle auwersj kòmme en nog effekes of hièl lang mèt de kinger doorsjpringe, want dan begint 't road-gael-greun-bal.**

(Dan kint geer sjpas make oonder eige verantwoording!!!!)

Veer winsje eederein vanaaf dees plaats alvas 'ne heerleke, fantastiese, gezellige vastelaovend.




## ALAAF, ALAAF, ALAAF!!!!

De dames en hière van de beste  
SJTUDEER-INRICHTING VAN VILT



**Muzikante gevraog**  
(gein kinger van de sjoal)  
**veur zaate hermenie**

# **ZAATE HERRIEMENIE**



Opgaeve bie  
**Ester** Kleijnen **-Sjpaans**

**zoa gauw meugelik**  
(zoadat eederein nog effekes kint repetere)

